

明·万历侯大节纂修

卫辉府志

第二册

点校

卫辉市地方史志办公室

中州古籍出版社

卷之五·祠祀志

坛 庙

卫辉府

文庙在府城东南。

启圣祠在明伦堂后。

名宦祠、乡贤祠俱在文庙东。

▲以上俱万历十三年，知府周思宸建。

社稷坛在府城西关街北。

风云雷雨山川坛在府城南。▲二坛旧祀于汝府。嘉靖三十八年，知府陈庆俱于旧址重建。

城

隍庙旧在府治东。弘治十一年，因建汝府，改建于府城东北太乙观后。毁于火。万历十一年，乡耆祝寿、赵经等重修。

郡厉

坛在府城北。洪武初建，万历年间修。

八蜡庙在府城外南关。嘉靖二十三年，知府吕颢改建。万历十四年，知府周思宸檄知

县赵世德重修。

济渎庙在府城西北二里许。弘治、嘉靖年重修，隆庆二年继修。

苍峪龙王庙在府城西北苍峪山。西有

龙潭，祷雨即应，立广施王庙。元至元中重建。大明万历十四年，知府周思宸、知县赵世德、知县崔珣重修。

黑麓庙在府城西

顺城关南，祷雨有应，郡人布政马汝彰有记。万历十五年，知府周思宸重建。

旗纛庙在演武场内。

马神庙在城隍庙东。

土地祠在府治内仪门东。各县祀同。

三仁祠、共姜祠俱在府学东。

▲以上俱万历十五年，知府周思宸建。

文昌祠在城隍庙前。万历十三年，知府周思宸、同知龚文、推官龙德孚同修。

殷比干庙在府城西北十五里。魏文帝时

因墓立庙，唐贞观中修葺，大明洪武四年重建。成化元年，知县卢信奏入祀典。年来屡经修葺，岁久倾圮。万历十五年，知府周思

宸撤而新之，周围墙垣易土以石，翰林萧良有为记，见《艺文志》。

姜太公庙一在府城西北三十里太公泉上，因墓而建，有汉崔

瑗碑、晋卢无忌碑。一在西门月城内，嘉靖中知府郭乾督民许懋等建，万历十五年，知府周思宸移魏汲郡太守穆子客^{〔一〕}碑之在南

关者，树之庙中并修之。

卫康叔祠在府治南，镇卫门内，武公祠左。万历十三年，知府周思宸建。

卫武公祠在康叔祠右。

嘉靖四十年，知府陈庆建。隆庆六年知府王天爵、万历十三年知府周思宸重修。〔推官龙德孚记〕卫何昉乎？周武王贤康叔而封之国也。继康而贤，贤而著，则称武公云。今卫关南隅有祠，祠武公，盖自前守陈公庆建也。今守姚江周公思宸至，举祀如故事，乃询康叔所为祀，曰：『康无专祀，附主名宜祀焉。』曰：『嗟嗟！义以率祖，礼先正名。礼义者，教化所由也。以劳定国，有功于民，并载在祀纪，而周郊配稷，谓何哉？儒者考信六籍，则《诗》《书》所称《三诰》与夫《淇奥》、《宾筵》诸什固在也。以贤康不武，后以定国，武不康先。《抑》之诗曰：「罔敷求先王，克共明刑。」夫明德慎罚，《康诰》道之；念先王而绍明刑，语湛于酒也，得无怀于《酒诰》乎？率乃祖矣。祀有常典，分有定名，君之不埒于官也明甚，奈何祠孙而遗其祖也？奈何祀君而列之臣也？大不经矣！』公乃相地于祠之左，庀材鳩工，构祠一区。北为祠三楹，南堂三楹，左右为号舍若干所，请得祀康叔如武公。因葺武公祠之圯，增益号舍，拔七庠之俊士居业，而公督之。时且新泽宫，广膳田，力以富教为己任，甚盛致也！理官龙生德孚，通观厥盛，欣而艳焉，为之记曰：『明有礼乐，幽有鬼神，神人之司，实在岳牧，而政教所必先也。以余观两君，卫之贤也，而明德均焉。公修祀典，正名反始，政先教化，因俗宜民，崇德象贤，宅心知训，此其机微矣。而建侯胙土，会逢其适沫邦，《淇奥》之思至深长已，此又崇祀之意也乎？生于斯，牧于斯，知康叔之所为，化与周公崇古觉世之心，而思共以永之，作新之泽尚有赖焉。史称文公寔克中，与孔子尝贤灵公于鲁哀矣，则以渠牟、林国、庆足、史鰌故也。』寸有所长也。以两公者附焉，因并记之。明万历十三年乙酉九月。蘧伯玉祠在府城西北三十里君子村，因墓而建祀卫大夫瑗。

校记：

〔一〕按，『客』应为『容』。见前文『古迹·汲县·太公旧居』之点校。

〔二〕此处用典。典出《孔子家语注·贤君第十三》。即：哀公问于孔子曰：『当今之君，孰为最贤？』孔子对曰：『丘未之见也，抑有卫灵公乎？』公曰：『吾闻其闺门之内无别，而子次之贤，何也？』孔子曰：『臣语其朝廷行事，不论其私家之际也。』公曰：『其事何如？』孔子对曰：『灵公之弟曰渠牟，其智足以治千乘，其信足以守之，灵公爱而任之。又有士林国者，见

贤必进之，而退与分其禄，是以灵公无游放之士，灵公贤而尊之。又有士曰庆足者，国有大事则必起而治之，国无事则退而容贤，灵公悦而敬之。又有大夫史鰌，以道去卫，而灵公郊舍三日，琴瑟不御，必待史鰌之入，而后敢入。臣以此取之，虽次之贤，不亦可乎？」

汲县

文庙在府城东南。

启圣祠在文庙后。

里社乡厉一坛在县各乡保，各县同。

其余祀典并统祀于

府。

胙城县

文庙在县治东南。

启圣祠在文庙东北。

名宦祠、乡贤祠在庙门左右。

社稷坛在西门外路南，旧在

西北隅。

风云雷雨山川坛在南门外西南隅，旧在城西北一里。

城隍庙在县城中心。洪武三年，县丞殷鉴建。天顺五年，

知县姚贵重修。正德十年，知县钱富增建。万历七年，省祭官秦有国等继修。

邑厉坛在城外东北隅，旧在县西北一里。八

蜡庙在西门内，路北。

马神庙在县南门外。

文昌祠在文庙东南。

河渚神祠在县东南十五里南宋渡口。正统十四年，

本府通判张荣创建。今废。

济渚庙在蒋村。始建未详，弘正间、嘉靖间重修。

汤王庙在关家屯西北。

比干庙在小

店。关王庙一在南门内，一在棘津铺，一在华严寺东。

慕容德庙在县东三十五里庞固社，旧胙城内西南。圯于河。黑

麓庙在晋村。

龙王庙在县东八里。

新乡县

文庙在县治东。

启圣祠在学内。

名宦祠、乡贤祠俱在尊经阁前。

社稷坛在西门外路南，旧在西北

隅。风云雷雨山川坛在南门外。

城隍庙在弦歌街前南小街。洪武四年，主簿王让建。景泰乙亥知县杨清、万历三年知

县于应昌继修。

邑厉坛在北门外。

八蜡庙在县治东北。

马神庙在城隍庙东。

文昌祠在儒学尊经阁下。汤王

庙在南门内街东。元至元年建。嘉靖二十八年，知县方承恩修。

越王庙在县西。洪武二十七年，邑民张忠等建。

姜太

公庙在县北二里茹家冈，近卫河。宋绍圣元年建，元元贞二年重修。〔宋邢泽民纪略〕新乡县东北距邑二里，卫河之傍，茹冈之

上，有太公庙，载在祀典几世矣。庙像摧剥。元祐间，里人有即而新之。殿宇廓然，塑像俨列，乃人心有无穷之报，以太公之泽无

穷也。州之西有公之泉，碣石以记其谱牒，文古书隶，断缺不完，而尚可考，由是知公其卫人欤！石记今在丞相莹寺，迹其兆应飞熊，功归扬鹰，赐履分封，輶经遗世，宜其位袭王爵，礼崇西学，编户皆吕姓，继世有显迹。比年，大丞相汲国公因祀宗祖莹域，亲诣祠下，称四十七代孙，庙去公之先茔逾水相向，有院曰『报先旌德』。噫！春秋祈报，亿万斯年而无已者，以今日之人心较之，即后日之人心也。里人张庆实为之倡始。其子天保尝从儒学，愿得文以记之，且以附岁月云。黑麓庙在县北二十里张门村。济渎庙在县西。洪武十六年建，旧有络丝潭。关王庙在柴化街。元至元元年建，万历五年重修。崔府君庙在城内，祀唐卫县令崔珏。

获嘉县

文庙在县治西北。

启圣祠在敬一亭后。

名宦祠在明伦堂后。

乡贤祠在名宦祠后。

社稷坛在城

外西北隅。

风雷雨山川坛在南门外。

城隍庙在南门内。成化四年建。成化二十一年，知县吴裕重修。

邑厉坛在

县城北。

八蜡庙在县南在城社。永乐十年建。

汤王庙在县南小程社。天顺五年建。

文王庙在县东大王社。元末毁

于兵。遗址尚存。

武王庙在县东大王社。元末毁于兵。国朝景泰七年重建。

关王庙在东门外。永乐十三年建，成化二

十一年重修。

黑麓庙在县东北大王社，即二仙庙。永乐五年建。

龙王庙在南门外。永乐十一年，知县赵恭建。成化二十

年，义官郭聪等重修。

淇县

文庙在县治东南。

启圣祠在明伦堂东。

名宦祠、乡贤祠在庙门左右。

社稷坛在县城北关。

风

云雷雨山川坛在南关路西。

城隍庙在县治西。

洪武三年，邑民程一等建。正统八年，知县董英修。弘治七年，邑民龚中等

重修。邑厉坛在县城北。

八蜡庙一在县北二里北关厢社，正統二年，邑民张鉴重修。一在县北三十里浮山社，宣德十年，

邑民贾景升建；弘治十六年，邑民陈通等修；嘉靖二十三年，知县张宜重修。

龙王庙一在县治西北灵山，元至正二年建。

一在县南五里折胫河北。一在县治西南苍峪河北。俱祷雨有应。

马神庙在县治西。

三仁祠在南门内。正德十六年，义

民李深建。嘉靖二十三年知县张宜，四十五年知县徐永年重修。祭酒崔铎有记，见『艺文志』。

箕子庙在县治南。旧建今废。

唐柳宗元有碑记，见『艺文志』。〔元王恽诗〕剗剔忠良谗肉林，当年愁绝父师心。道传未信奴为辱，俗古方知化独深。上念成汤

思自献，下逢周武是知音。野烟无地寻遗庙，空咏芄芃麦秀吟。

武公祠一在县城东隅，嘉靖四十五年，知县李尚实建。一在

县西北三十里，弘治七年，知县颜颐寿修；正德十六年知县刘金、嘉靖二十三年知县张宜、四十五年知县徐永年继修。（参议徐文溥诗）淇涯深曲武公祠，长夏遥临慰客思。云薄青山猿啸急，风生绿竹凤来迟。宫庭兴废成今古，俎豆瞻依忆岁时。冠盖周

行无尽日，几人驻马酌清危。

关王庙凡四：一在县城内，国初建，嘉靖三年知县刘金重修。一在北关，宣德年建，嘉靖年重

修。一在南关。一在县西南阳社。

周府君祠在县城内西北。周公名惠，字德甫，隰州人，任江淮都转运使。时元兵南下，惠

抚安百姓，转輜重，给馈饷，军不乏食，民不告劳。上书请立淇州。淇人立祠祀之。（王恽有诗）河山两界殷故墟，自昔土壤称膏腴。千年废置灌莽区，殆侣渊薮藏逃逋。政以规画无良图，堂堂周侯烈丈夫。一朝王门曳华裾，利焉斯兴害斯除。南来主漕过此都，顾嗟形势资豹驱。血人于牙其忍欤，龙庭入奏为允俞。一语能沛天恩濡，郊圻申画开井庐。连麓表植左右间，日中市集百货俱。荒榛一旦为亨衢，流民赖之彫瘵苏。劳来又复三年租，夫耕妇织圃有蔬。桑无附枝麦两涂，芄芃翠浪西山隅。昔焉糊口今赢余，我食我衣公所与。欲报之德父母且，胡不均弘秉事枢。天夺之速世所吁，公去虽远爱岂殊。身后报谢当何如，闕宫盘盘列绮疏。绘肖公像俨以居，岁时筮豆民骏趋。牺牲在几酒在壶，坎坎击鼓吹笙竽。睇公风马乘云车，神兮归来意恒愉。风时雨若蛇虫沮，瓿窶满篝厉鬼驱。我诗刻石诚非谀，采之民谣与同符。大书特书不一书，太行砺兮河带紆。黄童白叟相携扶，犹有堕泪沾龟趺。

辉 县

文庙在县治西。

启圣祠在文庙东北。

名宦祠、乡贤祠俱在庙门东北。

社稷坛在西关街北。

风

云雷雨山川坛在南关街东。

城隍庙在县治右。洪武三年，知县张廉建。弘治八年知县李宗、正德元年参政车玺、万历年知

县聂良杞重修。

邑厉坛在城北。

八蜡庙在东关。成化三年，知县张锦修。弘治十四年知县刘玉、嘉靖七年知县张天真重

修。马神庙在太仆寺左。

卫源庙在苏门山麓百门泉上。庙创于隋，殿名『清辉』，以祀卫源之神。宋宣和七年，封威惠

王。元至元二十一年，加封洪济威惠王。大明洪武十一年，改称『卫源之神』。每岁以四月八日本府致祭。其庙宋庆历间重建。

金明昌间，元至治、至正间重修。大明嘉靖三十三年，巡抚御史霍冀檄有司撤而新之，有五龙庙在清辉殿左，宣泽侯庙在清辉殿

右。万历十四年，知府周思宸、知县卢大中继修。〔元御史卫恒诗〕上国风帆快转输，石林香霭护神居。龙吟别浦泉声细，鸟拂空潭树影虚。〔刘賡诗〕客来詎敢濯尘缨，蘋藻区区效寸诚。愿乞一杯亭下水，散为霖雨济苍生。 风伯庙在县西北三十五里黄

水口，崖傍有穴，风自内出，庙在穴南。

黑麓庙在县东北五十里黑麓山下。庙下有潭，祷雨有应。元至正元年重修。 晋祠

在县西南五里。祠前有泉自汾晋潜流至此，即莲花泉。金明昌三年，乡人建祠塑像以祀之。

共姜祠在县治内共姜台上。

武安王庙有六：一在东门月城内，嘉靖四十四年，知县吕光化建。一在城内西北隅。一在城南。一在西安。一在南关。一在

百泉庙东。

孙登祠在苏门山巅。正德十一年，御史许完建。

邵子祠在苏门山上。成化六年，知县张锦建。

耶律丞相

祠旧在安乐窝内。祀元丞相耶律楚材。至元，公之孙希逸重修。今废。〔陕西按察使王博文撰略〕曰其扈从太宗之渡河也，汴京

旅拒不入〔二〕城。且溃，近臣奏：『国有常制，悉当屠夷。』上将从之，公百方谏止之，曰：『所以争天下，本为土地人民也。得地

而无民，将焉用之？』公以百色工匠、三教医卜、衣冠旅属，如养蚕络丝之类，各奏其必用之〔具〕〔二〕，区别有方。诏皆从其请，仍令

各路有司给农种、房舍，以均贍之。公又建白，除藏逃之禁，著恩养之令，平民免连累之辜，逋亡无饿殍之患矣。陕洛洞穴之民，畏

死不敢出，公奏命给百旗以招徕之。山外三十余州未降，奏恩诏以贷死。国家所以无亡鏃之费，系举而有之，仁人之言，其利博

哉！乙未扩户之后，如宅外居留之驱户，准公奏，籍既定，悉免为民。如此类计其所全活，何啻百千亿万万人乎？老氏曰：『天将

救之，以慈卫之。』其后以户为户之议遂寝。又奏收宣课以供国用；塞中原止可牧马之说；本息相伴，止债家征羊羔之利；盗

无显迹，革事主虚报之偿；茧丝则户止一斤，田租则亩止三升，商税则三十之一；迄今以为制者也。扩户以后，民多逃亡，各路

申闻，公奏免三十余万户，减租赋三之一；以戊戌旱蝗，奏免当年差税；又奏军民各异，兵不与民赋，民不与兵役；迄今以为

利者也。而又止汉地拘牝马之请，止天下刷室女之请，约法十八章以范民，陈财务十策以立政，皆施行之。太祖皇帝谓『天以公赐

我』者，岂徒然哉！其余损益合节，变化应时，枢机周密，品式备具，秉钧轴二十年，天下受其赐者不可缕数。四时之序，功成者

去。公既薨谢之后，柄政者虽欲继公经纶之规模，难矣。《礼记》曰：『太上立德，其次立功，其次立言，是之谓不朽。』若公者，可

谓不朽矣。《祭法》曰：『法施于民，以劳定国，能御大灾，能捍大患，则祀之。』若公者，可谓宜祀矣。 姚文献公祠在西安北。

内祀元太师鲁国公雪斋姚公枢。嘉靖三年，河南参议徐文溥建。晋仆射庙在县西南十五里姚固村。昔唐仆射李靖等行师过

此，时盗贼充斥，为一方害。靖遣别将分兵护守，民赖以安。土人德之，建庙祀焉。蒿里相公庙在县西南二十里云门社。蒿

里，盖公所居号也，未详何代人。相传云「公登第之初，直谏不从，触阶而殒」。唐延和间，封直烈侯。元至元二十一年，乡人建庙

祀之。崔府君庙在西关，内祠唐卫县令崔珏。嘉靖二十四年重建。包公庙在县西十五里史村，祀宋包孝肃公拯。又卓

水南亦有庙。岳武穆王庙在西门月城内，万历四年建。

校记：

〔一〕按，「不入」二字原本模糊，据清顺治十六年《卫辉府志》补之。但《全元文·耶律公楚材神庙碑》（江苏古籍出版社一九九九年版第五卷）为「日久」，也通。

〔二〕按，「具」字脱。《全元文》据文渊阁四库本补。

寺 观凡各庙不列祀典者，俱附于寺观之下。

汲 县 宁境寺在府治西南隅，旧为院。五代晋开运二年建，元末兵毁。大明洪武二十三年重建，改为寺，置僧纲司于

内。正德七年、嘉靖二十五年重修。灵感观音寺在府城北一里，嘉靖年间建。观音寺在府南关。元延祐二年重建，嘉靖

三十年重修。熙宁寺在府城内东北隅。东晋时建，大明弘治、嘉靖年间重修。广福寺在府城北三里。宋天圣七年建，大

明永乐十一年重修。香泉寺在府城西北霖落山。寺近香泉，因名。元延祐间重建。〔王恽诗〕巖巖悲台倚寺西，空山犹在旧

禅屏。老猿叫月苍烟外，曾伴山僧夜半归。〔又〕绝磴穿云老藓荒，扪萝行到赞公房。宝香冷彻华严壁，坐客犹夸夜月光。

六度寺在府城西北四十里坛山之麓。唐开元初建，宋圣历年间修。大明正德十六年重修。〔王恽诗〕荒村到寺才三里，古屋悬崖

废几间。从此重经题品过，卫人方识有坛山。〔又〕枝撑佛宇老风烟，岁月仍题圣历年。零落乱山终怅望，扪萝应见入香泉。

白池寺在苍峪山北。宋建炎三年建，元至正五年修，大明永乐间重建，弘治十四年、嘉靖二年继修。大悲寺在府西二十里顿

坊店西。元至治三年建。观音寺在府城西二十里司马村。唐龙朔二年建，大明成化八年重修。佛会寺在府南十里。成

化癸巳年建，正德壬申年重修。庄严寺在府东北三十里。魏武定三年建，大明嘉靖二十年重修。镇国寺在府西汲城村。

魏兴和三年建。供佛寺在府西十里吕续屯。唐乾封年建，大明嘉靖十年重建。护国寺在府西三十里关村。唐咸通十年

建，大明隆庆五年重修。复山寺在府西北四门村。景泰年建，嘉靖三十五年重修。福庆寺在府城东王志屯。唐天祐元年

建，大明万历十二年重修。海清寺在府城东北赵村。宋时建。太常寺在府城东北二十里天平村。永乐初年建，成化甲午

年重修。鱼泉寺在府城北四十里。龙华寺在屈里村。绒华寺在孙杏村。道光寺在府城北三十里道光店东。

石佛堂在府城西北三里。嘉靖年建，万历十四年重修。普陀庵在府城北。嘉靖年建。清凉庵在汲城。万寿宫在府

治东。金天眷间建，名『三清院』。皇统间敕赐『太乙广福万寿宫』额，大明洪武初置道纪司于内，隆庆六年重修。紫极宫在汲

县重道里。元至元间建。〔元学士王恽记〕维卫紫极道宫，全真师冲虚子房公所创建也。初，公既参丘尊师于海上，长春目其气志

非凡，殊异之。居无几何，命主马坊之清真观。迨国朝壬寅岁，聊摄赵侯请师主持郡之玄都宫，于是鹤驭东游，道出敝邑。汲长赵

实、扈林闻师道价重一时，以治城崇道里隙地，广六十武，纵则倍之，奉师为玄览别馆，欣然许焉，率其徒张志洞等结茆以居。长闻

地得石，上刻宋太宰张邦昌诗，因知为吴越钱氏子孙棣华庵故基。师留仅一纪，而西还淇上。方履满户外，每以逸居无教为虑，因

集其徒而告曰：『吾大方家，虽清虚自然为宗，以应时衍化为重，诂容山林长往，归洁一己乎？且吾行天下多矣，未若卫之土，中

而处会，俗美而易化，不于焉阐吾教，尚何往？然祝延宝供、香火焚修之所，非大壮丽不足以张皇教基，疎道俗瞻敬之心也。』乃命

门徒孟志玄、赵志朴率众下商洛之方，跋涉艰阻，以岁月得木万计，遂建正殿七楹。内设三清大像，示至道之原也；中起通明观，

以奉玉皇黼宸，钦天帝之尊也；后复作七真殿五延，序列仙品，见玄教之传也；下至坛墀神阁、斋室庖福、厩库蔬圃，莫不毕举。

师素负巧思，志坚而气充，规抚位置，意匠中定，不待画宫于堵，而为报〔二〕用者之法，要使坚完巩固，为数百年物。寻师委蜕，遗命

志朴等曰：『今功将集，无以吾存没有间，勉强前修，以卒吾志。』故志朴等三十年间，焦心劳思，攻苦食淡，继述师训，犹一日然。今则绘彩供张，截然一新，金光五云，绚烂溢目，宏丽靚深，为一方伟观。其工费之广，自力其力，初不外假，而众忘劳焉。实经始于壬子之春，迨至元甲申秋，工告迄功。志朴仍述其师之行业，与夫兴造本末，踵门罄折，谒予文者再。余以乡梓盛迹，且与师有谈玄之雅，勉为叙次之。师讳志起，潍州昌邑人。幼业儒，既而以异梦有觉，遂入道。为人气貌魁奇，操行清峻，通古今，善篆籀，乐与名士夫游。至于醮祭之获福，云鹤之显应，所在警动世之耳目者为多。遗山谓师『外朴而内敏，质直而尚义，似夫墨名而儒实』者，盖确论云，宜事业成就如此。至元戊寅，志朴以师德请于朝，蒙敕定仙号曰『弘真体道真人』。若志朴者，于师弟子之礼，始终尽矣，尚犹以师不亲道缘大成为歉。予慰之曰：『不然。昔真人舍清真而游博，去博而终税驾于卫。今虽游无方，其眷恋于此也必矣。况共、卫间，名山胜景，固为小有洞天，如玄元化现于仙山、公和舒啸于苏门、海蟾留题于白鹤，仙踪灵贶，前后接踵，见于方志，杂出于传记之说者昭昭矣。异时馭风骑气，追陪真仙，安知不过故山而留语，俯华表而增怀，而为孙、刘绝尘之举也邪？』仍作歌诗，详见《师志》。俾刻诸乐石，虽绵亘千祀，庶几来者有所考焉。其辞曰：道家者流本静清，杳冥而无迹与形。宝慈尚俭贵不争，兹乃黄老之常经。有时土苴为世程，祈禳醮祭由是生。像缘教设虽强名，雄楼杰观相峥嵘。倚嗟先生起营陵，魁伟德业玄门英。至人未免安素行，河山两戒盘金庭。方花古础排巨楹，紫云为盖青云城。群仙婉统须皇灵，紫垣落落罗天星。先生演化意有征，后孰倦焉先生营。庶用张本道可兴，阴助王化歌清宁。大缘未竟歎上升，门人攀慕涕雨零。岁累月积大有成，惜不久视为宗盟。仙宫洞房本不局，神游八表风泠泠。来过故园宜少停，紫极夜气开蓬瀛。追攀逸驾非吾能，尚想为国储休祯。风时雨若谷不螟，一洗浇俗还淳诚。我诗刻石何千龄，要作华表归来铭。玉皇阁在府城北黄土冈上。嘉靖间建。正阳观在府城西北四十里。元时建，大明洪武年间重建。玉清观在苍峪山龙王庙东。元时建。道德堂在府城东北三里北马头。宋明道间建，大明正德间重修。玉皇庙在府城北。玄帝庙凡七：一在府城外东南，万历十五年乡耆祝寿等募修并建护国塔于其右。一在府城西顺城关，元至正二年建。一在通汴门里。一在城关北观音寺西。一在东门里。一在北门月城内。东岳庙在府城北，卫河南。北岳庙在双上村。三官庙旧志名『祷雨灵祠』。在府城北三里许。正德中建，万历十

三年乡耆祝寿重修。一在南关西街。老子祠在府城东北。魏镇西将军廉侯建，镌石为老子像而祀之。一在东门月城内，万历十五年知府周思宸重建。九圣庙在府城东北。嘉靖年间建。二郎庙在府城南关八蜡庙东。广泽王庙俗呼『罗大王庙』。在戴村，去城二十里。王名仕信，唐之将军。宋宣和年敕修，庙下有古潭。萧公庙在德胜关桥北，旧扁『晏萧行祠』。

嘉靖中知府陈庆重修。近隍庙在胙城门里。万历年间修。天仙行宫凡三：一在府城北。一在府城西北。一在卫河滨。

张仙庙万历十五年建。

校记：

〔一〕报：原文为『報』。应为『執』（执）。执用，即使用。

胙城县

华严寺在县城东。元至元十三年建，大明洪武十八年、正统二年、万历二年重修。设僧会司于内。同和寺

在县西吴万屯。唐开元间建，宋宁宗五年重修。清源寺在县东清中村。肇建于汉，大明成化十七年重修。区法庙在县东

庞固社。魏孝昌三年建，大明成化十六年重修。悟真寺在县西吴万屯。元中统二年建，大明万历七年重修。观音寺在县

东南。天顺、成化间重修。清凉寺在县东庞固社。元至正间建，大明嘉靖六年重修。一在县西胡家庄。清隆寺在县东旧

城。崇福寺在县西吴安屯。广济寺在县东班胜固集。嘉靖三十八年重修。普济寺在县西王端铺。玉阳观在县

西刘景屯。元时建，今改为寺。佑德观在县东蒋村。成化十七年重修。玉皇庙在县城东北隅，各村多有。在庞固者，颇

壮丽。玄帝庙在西门内路北。东岳庙一在县东关。一在南宋社。三官庙在县东关。天仙行宫一在阎家屯，一

在张有祀屯。增福庙一在牛市屯。一在班胜固。洪山王庙在蒋村。成化二十三年建。张相公祠在县东杏冢村。正

德九年建。

新乡县

华藏寺在县城内归德街西巷。洪武十五年建，置僧会司于内。天宁寺在县东南十五里西庄岩。金承安五

年建，大明洪武二十一年修。兴国寺在县西二十里唐马村。宋太平兴国间建，大明洪武年重修。弘慈寺在县西三十里永

康村。元至正二十一年建，大明永乐十三年重修。定教寺在县西十里翟泊村。圣受寺在县西南三十里小冀镇。崇庆

寺在县东南二十里介三社。定国寺在县东十里。千佛寺在县南二十里永兴堤。龙泉寺在县南二十里。大云寺

在县南二十里杨翟村。法海寺在县西北十五里大里村。佛台寺在县北二十里尚保村。西明寺在县西南二十五里送

佛村。寿延寺在县东南十五里弘农村。崇德寺在县北十里马坊村。定慧寺在县西南三十里北耕营。定觉寺在

县西十里水东村。八於寺在县北二十里小陈堡。百官寺在县北十五里鲁保村。吉祥寺在县南二十里李台村。

福兴寺在县南二十五里张巩村。白马寺在县东南十五里白马村。大安寺在县西南四十里丁家屯。清凉寺在县南

二十里土门村。观音寺在县南四十里八柳渡。大素观旧在县治西南隅。元至元四年建，大明永乐元年重修。今废。

白鹤观在县治东。宋时建，大明弘治十六年、嘉靖二十二年重修。内有仙迹。〔邑人副使路珠记略〕新乡之有白鹤观，其来远矣。

盖因有白鹤兆祥，故以名观。宋政和中，秦人海蟾子过斯地，留仙迹飞篆于观之壁，好事者模之，以素缣镌之以翠琰。皇统三年，

县令王廷宣创刘海蟾堂，刻为石记。金、元兵燹，遗迹尚存。历国朝至成化间，沁水冲决，颓敝殆尽。弘治癸亥，邑人王君佐等捐

己地以恢拓之。至嘉靖癸卯，沁河又泛，门庑就圯，道士赵闰与义官王让等起址植额。越明年而告成，请余记之。余唯有观则仙

可依也，有仙则观可名也，镌石则传可久也。吾兹记之，虽非白鹤复巢，海蟾复过，后之因事而探仙迹之微者或庶几有考云尔。

上清坛在县治西南。今废。老君庵在县西五里高村。玉皇庙在县西翟泊村。宋时敕建。玉帝庙在县北三里王

村。玄帝庙一在北门内，永乐十二年建。一在东关外，嘉靖二十五年建。东岳庙在县东关。唐清和二年建，宋乾德间重

修，国朝永乐九年重建，成化五年典史冀顺重修。三官庙在东门外。弘治十六年建。圣母庙俗称娘娘庙。一在北关东，

一在南门外。二仙庙在县西南翟泊村，后有逍遥楼，下有黑龙池。宋时建。萧公庙在县北卫河桥东。弘治九年，邑民郭

应等建。冯石庙在县西故城村。

获嘉县 崇兴寺在县治西北。洪武二十四年重建，置僧会司于内。天顺八年重修。寂照寺在县治西南羊家庄社。

元至元九年建，大明成化八年重修。

洪福寺在县治西南南务社。洪武三年建，永乐三年、成化十八年重修。

等觉寺在县

北三位社。金大定三年建，大明洪武二十二年重修。

弥陀寺在县西南羊家庄社。元至元九年建，大明成化九年重修。

崇

宁寺在县东南大山社。洪武二年建，宣德九年修。

崇兴寺一名高妙寺，在县南羊家庄社。元大德九年建，大明成化二十年重

修。法云寺在县东南南务社。洪武二十年建，天顺三年重修。

观音寺在县南丰乐社。永乐十八年建，成化三年重修。

崇福寺在县南张朴屯。元至元□年建，大明成化五年重修。

景德院在县西南大林社。宋景德四年建，因名。天圣三年

修。寂照院在县西北三位社。元至元五年建，大明洪武二十年重修。

观音院在县西南忠安社。宣德元年建，正統十三年

重修。隆庆观在县西太山社。元末毁，有遗址存。

道真观在县西城社。金贞祐三年建。

丹阳庵在县南南务社。永

乐三年建。东岳庙在县东门外。元至元二十年建，国朝成化十年重修。

七贤祠在县北十里三桥村。祀晋竹林七贤。今废。

淇县

〔一〕崇胜寺在县东南。永乐二年、正德十年、嘉靖四十三年重修。

灵山寺在县西灵山社。唐开元间建，大明

嘉靖〔元〕年重修。〔副使裴骞游灵山寺记〕自淇门北门出，西过紂王城大濠池，望西南一带，堆螺髻于〔二〕烟云者，为楼花尖山也。

山上有朝阳寺。又西南为拐头山、金牛岭、苍峪口、云门山，有上圣庙、□佛、水帘洞，未游也。入尖山口，过蝦蟆洞、朝歌寨，憩石

佛庵，取河水饮之，甘且冽也。又西过荷担僧庙，为卓锡开山之主。西北入灵山路，山水冲激，峰峦欲堕，其上扁曰『危岩』，为飞石

所击，存其半，过者悸焉。入寺东南为馒头山，即寺之主山也。西南为虎山，昂首蹲立，与灵山相峙，壁立万仞，展旗竖扇，而梵王

宫其中焉。〔知府吕颢诗〕淇门窈窕发春明，为爱灵山无限情。石半青松临院密，峰前流水过桥平。钟鱼声急僧参礼，烟雾丛深鸟

和鸣。世路空将尘袂拂，十年落莫愧浮名。

浮山寺在县西北浮山下。洪武年修。

兴教寺在县东南阎村社。元至顺四年

建，大明嘉靖元年重修。

崇兴寺在县东南留店社。洪武三年建，正德□□年重修。

□□寺在县西四十里。洪武十□年

建，正德元年重修。

兴隆寺在县南十三里。元至正元年建，大明成化十二年重修。

九龙寺在县西北四十五里。唐开元九

年建。

天宁寺在县东南十三里。元至正二十年建。

驮骨寺在县西北二十五里。天顺六年重修。

封崇寺在县北三十

里。魏永熙二年建，元至正元年重修。

乔明寺在县东北八里。宋明道二年建，景祐三年重修。

鱼泉寺在县西北三十里。

元至顺元年建，大明天顺四年重修。清云寺在县西南十里。元至正二年建。大觉寺在县东北十七里。金太和二年建，大明成化十六年重修。觉惠寺在县东北十五里。正统八年重修。崇庆寺在县西北三里。元至大元年建。古佛庵在县东十里。金泰和三年建，大明成化十六年重修。景龙观在县西南三十里青岩山内。元至元间建。长春观在县东南。元大德二年建。天真观在县西北二十里。玉女观在县西南二十里。东岳庙在北关廂社。嘉靖九年重修。三官庙在县治西。嘉靖初年重修。

校记：

〔一〕按，原书此处『淇县』部分模糊、残损，且缺页。今据清顺治十六年《卫辉府志》的相关内容补之，但仍有残缺难辨之处。
〔二〕于：按，原文为『子』，误。据《淇县志》，应为『於』〔于〕。

辉 县

〔一〕天王寺在县北后街。元至元四年建。内有善济塔，大明洪武间建。观音寺一名同圣寺，在西关街。北

魏永安三年建，宋祥符三年修，大明洪武二十二年重修。内设僧会司。通玄寺在县东南五里。天顺甲申建，成化壬寅重修。

崇兴寺在县东南十里。宋兴国元年建，永乐、天顺间重修。九山寺在县北十里，九山之巔。兴国寺在县南八里。宋

兴国元年建，元至元十二年重修。丁家堂寺在县西南四里。兴福寺在县东南十五里。宋兴国元年建。祝家寺在县

南二十里。元至正元年建。云门寺在县西南十五里。唐垂拱三年建，元至元间修，大明洪武三年重修。北阳寺在县西二

十里。唐总章五年建。方圆寺在县西二十里。唐天宝年间建，成化壬寅重修。金掌寺在县西北二十里。宋元祐七年建。

〔郡人侍郎张衍庆诗〕登山留古寺，晴旭散朝晖。一曲清流抱，双峰翠黛围。鸟随苍霭没，人傍白云归。兀坐闻僧语，尘心亦自微。

愍报寺在县东北十五里。宋邑人杜大忠因其祖贵与贼战歿，请于冢傍建寺，图报其功，因名愍报。柏尖寺在县东北十五

里。唐武德五年建，大明嘉靖七年修。翟村寺在县西南四十里。唐总章二年建。胡村寺在县西南三十里。左有青龙窝，

右有玉米地。永熙二年建，正統十一年重修。原名兴国寺。白塔寺在县西北四十里。至正二十二年建。柳泉寺在县西

北四十里九峰山。景泰元年建，弘治甲子重修。旧名崇福寺。

双泉寺在县西北五十里。元至正二年建。

裴村寺在县西

南五十里。魏永安间建。原名观音寺。

白佛寺在县东北二十里白佛山。寺有白石佛，故名。

解般寺在县北五十里。

赖塔寺在县西北四十里黄水口。

王展寺在县西南八十里。宋雍熙三年建。

孟村寺在县西南五十里。

张泽寺在县

西北九十里。宋雍熙三年建。

龙峪寺在县西七十里太行山中。宋元祐元年建。

宝泉寺在县西北六十里太行山麓。景泰

元年建。

竹林寺在县西南六十里。旧为七贤观，后改尚贤寺，又改今名。即晋七贤所游之地。

白云寺在县西五十里。旧

名白茅寺，肇建于唐，元至元二十年重建。大明洪武二十四年重修，改今名。〔元王恽诗〕为爱西山欲遍经，春风吹马上峻嶒。千

章古木隈崖寺，一点清光守障灯。石碣题名留故事，松阴移榻对残僧。婆娑最乐双泉水，润入高峰露气凝。〔明王叔诗〕登登云路

绝尘埃，卓笔群峰翠作堆。一段风烟清且秀，更于何处觅蓬莱。〔又〕山上流泉泻玉琴，泠泠过耳涤尘心。便当携取一瓶去，化作

乾坤三日霖。〔刘玉诗〕荒村历尽抵僧房，三凤泉头笋饭香。只恐天明驱马去，夜篝灯火听琳琅。

白鹿寺在县西北五十里白

鹿山。内有杰阁，贮藏经数函。

玄极寺在白鹿寺西。一径梯升。院分左右，左则危栈石室，右则古洞深窈。最西有珍珠悬

泉，乱落如雨，殊绝可爱。创自石赵之世，有天竺名僧佛图澄者，遍历名山，至此顿步，遂因峰构宇。齐河清四年，益造石经、诸佛

像，勒石洞口，以识其事。〔明王叔诗〕绝壁颠崖不可攀，青鸾巢处是禅关。山僧坐定无人到，只与白云相往还。

法住寺在白

鹿寺东。

显阳寺在法住寺东。

南湖寺在县西北七十里。元至正元年建。〔刘玉诗〕也爱南湖好，幽禅又一关。地高林拥

路，源峻水登山。有趣云常护，无机鸟自闲。桃源更何许，尘驾又空还。〔李梦阳诗〕中湖果奇绝，逾岭复南湖。石磴回相倚，岩泉

有乍无。开窗众壑积，当殿一峰孤。更览千林竹，因怀常啸徒。〔又下南湖一首〕湖僧骑牝马，相送石门峰。欹仄乱石路，日暝渔

樵逢。苍茫翠微里，风落青山钟。美尔岩居者，终期尘外踪。

中湖寺在南湖寺北三里许。唐中和三年建。〔李梦阳诗〕龙象

何年地，千岩一涧回。天清入石镜，竹梢出香台。树绕猿啼入，人从鸟道来。坐餐霞气晚，只拟是天台。〔又〕陟岭扣岩扉，一钟鸣

翠微。丹崖森竹树，雪壁映花飞。屋隙鸣泉泻，山昏麋鹿归。松风高壑起，云卧欲沾衣。

北湖寺在中湖寺北三里许。元至元

二年建，至正十三年重修。〔李梦阳诗〕乱山上云气，孤客发西岑。徒瞻北湖寺，其如东路心。岭猿愁暝雨，岩鸟上空阴。回首行

山麓，萧萧松橡林。〔又李濂诗〕为访三湖寺，春山独自来。千盘不到顶，万壑划争回。石罅名鸡犬，林风过虎豹。俯观侯赵树，西望白云台。峰日明寒雪，溪泉激暗雷。若非武陵口，那得有桃闻。普照寺在县北七十里，侯赵川东平罗。胜福寺在侯赵

川西平罗。东有华池，南有华严，西有三湖，北有紫金。宋熙宁五年建，大明成化三年修。悟空寺在县西北九十里，侯赵川西

凤翅坡。洪熙元年建。落伽寺在县西八十里驼峰岭上。宋绍圣四年建，一名驼峰寺。〔李濂诗〕鸟道绿丹壁，钟声下白云。

攀登良自苦，暂喜出尘氛。天真观在西关街北。成化丙寅重修。颐真宫在县西六里善明村。元至元十八年建。玉虚

观在西关北。雪斋先生尝徜徉其间，秋涧王恽有记。今废。玉清观在东关。元至元间建。资福宫在百泉书院左，即蔡

相园故址，后为丘、刘、谭三真人修道之所，改为集仙资福宫。元时建。三清观在苏门山上，即无梁殿。嘉靖四十三年建。

长春观在县西三里。元大德三年建。丹霞观在县西南十五里。灵阳观在县西南十五里。元至元中建，太原白栋有记。

楼溪观在县西南十五里。永乐二年重修。紫薇观在县西八里卓水泉上。元时建，国朝成化间重修。西偏旧有筠溪轩。

〔元许鲁斋诗〕山水年来满意看，只无幽竹伴幽闲。从君愿乞龙孙去，栽向西城空隙间。〔又〕寒缸挑尽火重生，竹有清声月有明。

一夜客窗眠不稳，却听山犬吠柴荆。子房宫在白麓山重崖悬崿之下，其上绝壁孤耸。东崖有怪石倒悬，阴泉久渍。上生绿

苔，石尖水溜，响滴为池。崖前古木，桤枝栉比，自成篱落。下临峭壑，深窈不可计。有时，白云生洞，缥缈逼人，顷间衣袖沾湿，亦

太行之异境也。世传即张子房从赤松子辟谷之所。石门庙在县西北五十里石门山中。元至元间重修，塑三仙女像。〔金元

好问诗〕三仙祠下往来频，憔悴征衫满路尘。箫鼓未休寒食酒，樵苏时见旧都人。吹残芳树红仍在，展放平田绿已匀。西北并州

隔千里，几时还我故乡春。〔又〕两崖悬绝倚山垠，草径低迷劣可分。潭影乍从明处见，竹香偏向静中闻。石林万古不知暑，茅屋

四邻惟有云。曳杖行歌美樵叟，此生何计得随君。〔明邑令刘玉诗〕石磴攀缘草树中，碧潭幽庙倚危峰。我来应被山灵笑，霖雨何

时起卧龙。〔又〕重冈登木杪，幽庙俯潭阴。琴筑含风远，檐帷隐雾深。屡游千里目，偶会百年心。寄谢山灵道，商岩已傅霖。一

在西关外，嘉靖间分守参议王遴建。九圣庙在县西南十里。昔邑人蔺公生九女，并不适人。斋素焚修，孝养父母。亲

歿，出其家貲，造石桥于村傍卓水河上，〔以〕涉桥。成，皆投于水，或尸解也。邑人立庙肖像祀之，详见《蔺桥》。七贤祠在县

西南六十里山阳镇。晋嵇康、阮籍、阮咸、山涛、向秀、刘伶、王戎七人为竹林之游，当时号称『竹林七贤』。

校记：

〔一〕按，原书『辉县』部分至『王展寺』缺失。今据清顺治十六年《卫辉府志》的相关内容补之。

丘墓

殷

比干墓在府城北十五里，即周武王所封墓。前有宣圣亲笔『殷比干墓』石刻四字。庙傍有元时卫辉路教授王公悦临摹周武王封比干墓铜盘铭，碑石残断，字画失真。万历十五年，知府周思宸重摹《汝帖》，立石于墓前。铜盘铭，相传唐开元中，偃师县土人耕地得之，因以立墓。篆文甚奇古，其释文云『左林右泉，后冈前道，万世之藏，兹焉是宝』；一云『前冈后道，万世之灵，于焉是保』；一本『灵』作『宁』。历代祭吊诗文，另有录。墓田地二段，共捌顷捌拾壹亩捌分。内一段坐落庙前，捌顷陆

亩捌分；一段坐落井家冈，柒拾伍亩。每年佃户共纳租钱壹拾玖千壹佰伍拾壹文，汲县征收春秋二祭共用钱拾貳千柒佰文，剩钱陆千肆百伍拾壹文，留修庙用。万历十五年，本府行汲县，清查立石。纣窝在淇县东四流口社石河内。相传为殷纣葬处。

周

姜太公墓在府城西北太公泉上。其地即太公旧居，近墓有庙。有晋、魏二碑，详『古迹』。胙伯墓在南燕城后，圯于

河。共姜墓在辉县治内。相传墓在台下。卫灵公墓相传在府治后。古有紫金碑，雷轰之。《庄子》有曰：『卫灵公葬，

得石槨，铭曰：「不冯其子，灵公夺而里之。」又，观城县东南四十二里，亦有卫灵公墓；高苑县东北二十五里，亦有墓。魏

襄王墓在府城西二十里，即汲冢，详见『古迹』。蘧伯玉墓在府城西北君子村。伯玉名璩，卫大夫。又长垣县南十五里，亦有

墓。蔺相如墓在辉县西北七十里平罗社。相如，赵上卿。又磁州北羌村亦有墓。（邑令刘玉诗）六国纷纷欲帝秦，鲁连豪气

未全伸。咸阳壁返渑池岳，气压秦王有几人。隋 徐孝肃墓在府城东白楼村。世传为徐孝子墓。秋公墓在府城北一里

许。未详其人，或云即秋胡。唐 刘公墓在胙城西第五疇社。唐刘奇、崇龟、崇望、崇鲁皆葬于此。尉迟敬德墓在淇县